


201778

蔡孚	李適之	元承徵	鄭老萊	宇文融	盧貞	賈正義
----	-----	-----	-----	-----	----	-----

趙慎言	崔涵	韓琬	崔明允	崔琪	孫翹
-----	----	----	-----	----	----

李元瓘	崔尚	崔逸	段同泰	田再思	楊相如
-----	----	----	-----	-----	-----



全唐文
卷三百三之三三四

竹居攷虞

晉書
卷之九
魏書
卷之九

魏書
卷之九
魏書
卷之九

魏書
卷之九
魏書
卷之九



竹居校書

全唐文
卷之九

欽定全唐文卷三百三目錄

賈正義

周公祠碑

孫翊

應文辭雅麗科對策


并問

楊相如

陳便宣疏

盧貞

廣成宮碑記



崔琪

擊柝賦

以封守勒固
禦暴爲韻

桂林一枝賦

以題
爲韻

唐少林寺靈運禪師塔碑

田再思

服母齊衰三年議

宇文融

定戶口疏

崔明允

紅嘴烏賦

大唐平陽郡龍角山慶唐觀大聖祖元元皇帝宮

金籙齋頌

段同泰

駁陳貞節廢隱太子等四廟議

唐少林寺

魏貞觀初創太平寺

魏同泰寺齊建武二年

宇文金寶齋

大觀平國時晉武山縣大堅野

北明玉寶齋

欽定全唐文卷三百三

賈正義

正義開元二年朝議郎行偃師縣尉

周公祠碑

原夫陰陽不測之謂神變化無窮之謂聖聖也者範圍天地備萬物而不有其功神也者揆蹟窈冥降百祥而不矜其德持太元之幹運日月齊明振中古之暮猷乾坤合度盛業冠於三代美化流於四國其生也藉我爲光輔其逝也薦我爲明靈所謂有始有終可久可大者也公字朝明

文王之子武王之弟成王之叔父也昔堯臣以披

闕字

踐

祚初開相地之宜殷伯以積德累仁終翦格天之業歷太

極而承元吉資中和而誕賢聖知微表於幼顏繼體分於

正氣兵戈已偃西周之歷數攸歸宅土

闕字

封東魯之衣

冠允集故能勤勞家國翊亮台衡植珪璧而拜三壇御冕

旒而朝萬寓鳴鵠救其衰亂狼跋明其終始尊嚴其父孝

理也炯誠其子卑牧也七月艱難陳業也三年征伐敘功

也復子寶位不虧忠敬之誠開我金縢迺得風雷之意於

是測四方以定都邑分六職以明典刑制大禮以安上理

人則俎豆之法行揖讓之儀備制大樂以移風易俗則和
感之音暢舞詠之情宣詳八卦而究精微演六爻而告疑
滯所謂極深研精立功成器以爲天下利者也敢問先王
之德何以加於斯乎若迺示諸仁藏諸用道藝可以激揚
今古軌模可以粉澤人倫懸寓煥然不假一二談也嗟乎
天道有盈虛人事有存沒欲使百年黎庶訾軒帝之威靈
四序蒸嘗用君王之典則非天下之至聖孰能與於此哉
偃師縣祠堂者按圖經云後人懷聖恩所置也負陽岑之
巖險面通谷之縈紆四水以爲川二室以爲鎮重檐累栱

登玉戶而三階洞室迴廊列金楹而四合壽宮肅肅備物
嚴嚴宛若居攝之仁明穆如行化之易簡孝若之徘徊庭
廡未足贊其精微靈均之倦覿階除不能訶其怪異易稱
王假所以致孝享詩稱天作所以祀王公崇敬則遐邇同
臻嘉祥則賢愚共被若迺日之吉辰之良銀輦繡軸溢通
莊會舞安歌紛滿堂樽酌奠兮斟桂醪鏘鳴兮琳琅下禱
戴兮介福上歆馨兮樂康雖盛凝之持戒練心傾恇不怠
劉長之去邪歸道拜謁逾勤正直聰明於是乎在粵以癸
丑秋未迄於甲寅夏首西郊不雨南畝亢陽八溪以眺渚

濱河罕植青草九重以握珪沈璧屢命皇華闕

闕字

無鶴

立之徵田夫有狼顧之懼尹上柱國武威縣開國子隴西

李傑山河間氣廊廟宏材允四海之具瞻裁三川之景化

西京佇潤稍

闕一字

分陝之郊東都思理再臨惟洛之邑奸

豪懲而疑滯剖鰥寡悅而禮義行德澤布濩頌聲洋溢正

議大夫行少尹護軍彭城劉禎正議大夫行少尹上柱國

博陵縣開國男崔元祐並星象之奇衣冠之秀器惟經國

文藝襲於班揚道以匡時令望升於臺閣佐官司錄柳齊

物等並陟遐自邇始當州府之勞擇士用才終踐公侯之

望朝請大夫行令博陽縣開國男彭城劉體微金枝玉葉
之門上善通賢之量厯霜臺之鯁直闡雷邑之風

闕一字

立

義

闕一字

欺兼并自息通直郎行丞王鈍朝議郎行主簿李

循古承議郎行尉崔延祚莫不珪璋比德麟鳳成文藏用
於東畿安卑於西亳咸以分官濟俗共理經邦欽若皇情
特憐黔首吁嗟廟宇申至理之馨香拜起靈壇奠明祈之

蘋

闕一字

誠敬如在神聽無違言未畢而布油雲禮未終而

澍甘液三農有慶八政

闕一字

而家邦可制非聖人之利物

豈能與於此者是以黃髮兒齒之徒相與而稱曰昔文翁

以化漸蜀川猶存古廟子產以政行鄭國尚列遺祠況公
道德均兩儀神靈庇萬代而頌章斯缺盛事莫傳蒙少忝
青衿晚紆黃綬勤誠不夢豈吾道之將衰遊踐難言冀斯
文之未喪頌曰

伊太初兮惟混惟茫暨中古兮無制無防大忠勤國兮輔

我君王至道被物兮明

闕一字

典章乾坤可測兮陰陽會合

威儀不差兮禮樂鏗鏘上德旣喪兮先靈如在下人蒙庇
兮遺惠不念春夏炎赫兮銷流金石官寮祈請兮拜伏壇
場神聽之兮密雲已灑人賴之兮零雨其滂喜大田之多

稼望高廩之盈倉羞蘋蘩於祭禮建碑頌於祠堂松栢森

沈兮歲久煙霞

闕二字

兮山荒謁明神於此地降福祚之穰

穰

孫翊

翊開元三年對策擢第

應文辭雅麗科對策

并問

問朕聞至道雖微不言而化皇天陰騭相叶其彝信寒暑
而生成施雲雨而沐潤垂範作訓樹君育人時有澆淳教
垂繁略成湯既聖禹道云亾桑扈谷風屢動詩人之刺塞

門反玷時遺宣父之嫌我國家拯彼頽綱開茲盛業朕以
不德襲號乘時而皇極之道未敷謨明之軌尚闕思宏厥
理其義安從至如視聽貌言恆若時若會極歸極作哲作
乂一以貫之何方而可夫禮以飾情情疎則禮略樂以通
感感至則神和理內爲同修外爲異同異之用有味其功
人俗未融佇明斯要又四時武德制自何君五行文始本
之誰代昭德盛德莫辨所尊昭容禮容未詳所出悉情以
對用釋余疑

對臣聞登衡霍者嗟培塿之微泛漲海者鄙潢汙之陋臣

草茅孤賤才無足取屬絲綸明揚州間選辟謬得接武羣
彥比肩時英而文物昭回宸顏咫尺退思愚劣甚不稱聖
朝求賢之意也揆拙兢顏心愧失守將何以充塞大問對
敷天休然聞之於師請言其略制策曰皇極之道未敷謨
明之規尚闕思宏厥理其義安從伏惟皇帝陛下開元立
極地平天成祖述堯舜憲章文武夔龍咸事陰陽以和聖
德動天無遠不屆麟鳳在郊藪河洛出圖書弓旌累降徵
搜是急日昃視朝文武並進旣盡美矣無德而稱猶且罪
已爲心在予興嘆此陛下之至讓也小臣何足以當哉然

忭舞德音忝列明試敢不瀝肝膽獻所聞乎臣恭惟政理
之間傳諸長者之口以先朝之事一二明之昔貞觀永徽
之間恭默而天下理家給人足時和而歲豐外戶不扃
牛羊被野太倉之粟陳陳相因中府之錢貫朽莫校然而
戎車屢駕不無事矣於是度遼之師鬼方之討賀蘭之戰
高昌之伐而軍人無損帑藏如初國家富有海內百餘年
士庶之多如曩時之兼倍征戍之役當今日之無何豈往
得而今失將政繁而俗變其故何哉良有由也議者以爲
賦斂厚徭役繁風俗奢利息倍今若息其宮室愛人節用